

ժ) Ս. Աստուածածնի կիսարեայ պատկերին առանդոր-
թիւնը. — Ս. Աստուածածնի փոխման ժամանակ Յով-
հաննէս Աւետարանիչը կիպարիս փայտէ՝ որով շին-
ուած է կենսաբեր խաչը, մեծ թախանձանքով և հա-
մաձայն իր սրտին փափաքին կը կերպածէ Տիրամօր
պատկերը մեր կեանքին իբրև նշխար: Քրիստոսի համ-
բառնալէն վերջը աշակերտները անով կը մխիթար-
ուէին, տեսնելով Ս. Կոյսը իբրև իր որդին. Ս. Պետրոս
և Ս. Պօղոս ալ շատ անգամ Երուսաղէմ կուգային Ս.
Տեղերու այցելութեան և Ս. Կուսի տեսութեան հա-
մար(*): Ս. Կուսին յուզարկաւորութեան համար երբ
աշակերտները հաւաքուած էին՝ Յովհաննէս առաքեա-
լին հետ խորհեցան աղաչել Տիրամօր՝ դնելու փայտե-
ղէն անօթը իր պատկերին վրայ և օրհնել զայն, և խըն-
դրել Տիրոջմէն իր փոխման ժամանակ ողորմիլ երկրին՝
վերցնելով Երուսաղէմի և շրջակայից մէջ տարածուած
բորոտութիւնը: Յովհաննու եւ միւս առաքեալներու
ներկայութեան՝ Ս. Պօղոս Տիրամայրէն կը խնդրէ որ
իւր սուրբ ձեռքը ընդունի այն փայտեղէն պատկերը
զոր Յովհաննէս նկարած էր, ու կը յարէ. ով Սուրբ
Կոյս, օրհնէ զայս, և թող ըլլայ ասիկա նշան աշխարհի
կեանքին, եւ աղաչէ Որդւոյդ և մեր Աստուծոյն որ
այս պատկերին միջոցաւ մարդոցմէ վերցնէ բորոտու-
թիւնը քու բարեխօսութեամբդ. . . : Ս. Կոյսը կ'առնէ
նկարեալ պատկերը եւ դէպի երկինք կը տարածէ իր

(*) Օր մը Ս. Աստուածածինը տեսիլք մը ունեցաւ քէ տեղի պիտի
ունենար իր փոխումը եւ Տիրոջմէն կ'ուզէր տեսնել Առաքեալները,
վասնզի անոնք բարոյութեան համար ցուած էին ամէն կողմ. «Եւ
Տէր ամպով յաիւտակեաց գաստուածագան սուրբ Առաքեալսն յիւրա-
բանչիւր գաւառաց յական թօթափել համագումար միաբանութեամբ»
(Տօնապատմութիւն):